



UNIVERZITET U SARAJEVU - UNIVERSITY OF SARAJEVO
ŠUMARSKI FAKULTET - FACULTY OF FORESTRY

Zagrebačka 20, 71000 Sarajevo, BiH • Tel.: + 387 33 812 490, 812 491; Fax: + 387 33 812 488

Matični broj: 4200494560198 • PDV broj: 200494560007

KS u Sarajevu, Broj rješenja: 065-0-Reg-19-002234

e-mail: info@sfsa.unsa.ba • racunovodstvo@sfsa.unsa.ba • www.sfsa.unsa.ba

-Vijeće Fakulteta-

Broj: 01/6-*13*/23

Dana, 20.01.2023.godine

Na osnovu člana 69. tačka e) Zakona o visokom obrazovanju ("Službene novine Kantona Sarajevo", broj: 36/22), člana 104. Statuta Univerziteta u Sarajevu stav (2), a sve u skladu sa Pravilnikom o ostvarivanju i raspolaganju vlastitih prihoda Univerziteta u Sarajevu broj: 02-28-8-1/22 od 23.11.2022. godine, Vijeće Univerziteta u Sarajevu-Šumarski fakultet, na svojoj VI. redovnoj sjednici održanoj 20.01.2023. godine donijelo je jednoglasno sljedeću

ODLUKU

O usvajanju Prijedloga Pravilnika o ostvarivanju i raspolaganju vlastitih prihoda Šumarskog fakulteta Univerziteta u Sarajevu

I

Usvaja se Prijedlog Pravilnika o ostvarivanju i raspolaganju vlastitih prihoda Šumarskog fakulteta Univerziteta u Sarajevu.

II

Prijedlog Pravilnika o ostvarivanju i raspolaganju vlastitih prihoda Šumarskog fakulteta Univerziteta u Sarajevu je sastavni dio ove odluke.

III

Ova Odluka stupa na snagu danom donošenja.

Obrazloženje

Vijeće Univerziteta u Sarajevu-Šumarski fakultet u Sarajevu je nakon provedene dvije sjednice Kolegija fakulteta, na kojim su se usaglašavali stavovi o raspodjeli vlastitih prihoda kompletiralo Prijedlog Pravilnika o ostvarivanju i raspolaganju vlastitih prihoda Šumarskog fakulteta Univerziteta u Sarajevu, te isti dostavilo Vijeću fakulteta na usvajanje, koje je na VI. sjednici Vijeća održanoj 19.01.2023. godine usvojilo Prijedlog Pravilnika o ostvarivanju i raspolaganju vlastitih prihoda Šumarskog fakulteta Univerziteta u Sarajevu.

Dostaviti:

- web fakulteta
- a/a Vijeća fakulteta
- a/a

DEKAN

Prof. dr. Ahmet Lojo





UNIVERZITET U SARAJEVU - UNIVERSITY OF SARAJEVO
ŠUMARSKI FAKULTET - FACULTY OF FORESTRY

Zagrebačka 20, 71000 Sarajevo, BiH • Tel.: + 387 33 812 490, 812 491; Fax: + 387 33 812 488

Matični broj: 4200494560198 • PDV broj: 200494560007

KS u Sarajevu, Broj rješenja: 065-0-Reg-19-002234

e-mail: info@sfsa.unsa.ba • racunovodstvo@sfsa.unsa.ba • www.sfsa.unsa.ba

**PRIJEDLOG PRAVILNIKA O OSTVARIVANJU I RASPOLAGANJU VLASTITIH PRIHODA
ŠUMARSKOG FAKULTETA UNIVERZITETA U SARAJEVU**

Sarajevo, januar 2023. godina

Na osnovu člana 27. stav (4) i člana 69. tačka e) Zakona o visokom obrazovanju ("Službene novine Kantona Sarajevo", broj: 36/22), člana 104. Statuta Univerziteta u Sarajevu stav (2), a sve u skladu sa Pravilnikom o ostvarivanju i raspolaganju vlastitih prihoda Univerziteta u Sarajevu broj: 02-28-8-1/22 od 23.11.2022. godine, Vijeće Univerziteta u Sarajevu-Šumarski fakultet, na svojoj VI. redovnoj sjednici održanoj 19.01.2023. godine usvojilo je sljedeći

PRAVILNIK O OSTVARIVANJU I RASPOLAGANJU VLASTITIH PRIHODA ŠUMARSKOG FAKULTETA UNIVERZITETA U SARAJEVU

DIO PRVI - OSNOVNE ODREDBE

Član 1.

(Predmet Pravilnika)

Pravilnikom o korištenju vlastitih prihoda Šumarskog fakulteta Univerziteta Sarajevu (u daljem tekstu: Pravilnik) se utvrđuje način korištenja vlastitih prihoda Šumarskog fakulteta Univerziteta u Sarajevu (u daljem tekstu: Fakultet) koji se ostvaruje slobodnom, neposrednom razmjenom naučno – istraživačkog, naučno – nastavnog i stručnog rada u okviru registrovane djelatnosti, praćenje sticanja i raspodjele vlastitih prihoda, tumačenja stupanja na snagu i primjena u okviru svoje registrirane djelatnosti, a koje se ne finansiraju iz sredstava Budžeta Kantona Sarajevo (u daljem tekstu: Budžet).

Član 2.

(Vlastiti prihodi)

- 1) Pod vlastitim приходима podrazumijevaju se prihodi koje Fakultet ostvari u skladu odredbama člana 25. i 27. Zakona o visokom obrazovanju („Službene novine Kantona Sarajevo, broj 36/22) - (u daljem tekstu: Zakon) obavljanjem svoje registrirane djelatnosti, kao i ostalih poslova na tržištu.
- 2) Vlastiti prihodi koje ostvari Fakultet uplaćuju se na Jedinствени račun Trezora Kantona Sarajevo, a koriste se u skladu sa ovim Pravilnikom.

Član 3.

(Uplate, evidentiranje i razgraničenje vlastitih prihoda, između Fakulteta i finansijera programa)

- 1) Vlastiti prihodi koje ostvari Fakultet, a u skladu sa odlukom Vlade Kantona Sarajevo, vrši se u skladu sa odredbama relevantnih propisa kojima se uređuje ova oblast.
- 2) U skladu sa posebnom odlukom Vlade Kantona Sarajevo, prihodi od međunarodnih projekata uplaćuju se na zaseban namjenski račun Kantona Sarajevo i predstavljaju vlastite prihode Fakulteta koji je ostvario prihod, te se koriste u skladu sa potpisanim sporazumima i ugovorima naredne tri fiskalne godine (razgraničiti), uključujući i vlastite prihode uplaćene za sticanje naučnog stepena doktora nauka, prihode od naučnoistraživačkog rada fakulteta, prihode od projekata/programa, te prihode od specijalizacija i druge prihode/izvore za koje su ugovori sklopljeni na duži period.
- 3) Ostvareni, a nerazgraničeni iznosi ne mogu se naknadno razgraničiti i postaju sastavni dio javnih prihoda budžeta Kantona Sarajevo.

DIO DRUGI - STICANJE VLASTITIH PRIHODA

Član 4.

(Osnove za sticanje vlastitih prihoda)

Fakultet stiće vlastite prihode u skladu sa Zakonom, Uredbom o utvrđivanju vlastitih prihoda, načina i rokova raspodjele koju donosi Vlada Kantona Sarajevo (u daljem tekstu: Uredbom) i drugim relevantnim propisima koji reguliraju predmetnu oblast, te općim aktima Univerziteta.

Član 5.

(Vrste vlastitih prihoda)

- 1) Vrste vlastitih prihoda koje može ostvarivati Fakultet su:
 - a) prihodi od realizacije naučno-nastavnog procesa na III ciklusu studija;
 - b) prihodi od akademskog, stručnog, specijalističkog, dualnog, interdisciplinarnog, transdisciplinarnog i multidisciplinarnog studija koji se realizuju u okviru Univerziteta samostalno ili sa drugom domaćom ili stranom visokoškolskom ustanovom, institucijom ili poslovnim subjektom;
 - c) prihodi od realizacije kurseva, seminara, mikrokvalifikacija, pripreme nastave, ljetnih/zimskih škola, te različitih oblika necikličnog i cjeloživotnog obrazovanja;
 - d) prihodi od naučnoistraživačke, naučne, ekspertske-konsultantske i stručno-konsultantske djelatnosti;
 - e) prihodi od naučnoistraživačkih projekata;
 - f) prihodi od tekućih transfera drugih nivoa vlasti i međunarodnih organizacija;
 - g) prihodi od donacija pravnih i fizičkih lica;
 - h) prihodi od legata, poklona i zavještanja;
 - i) prihodi od stručnih projekata, stručnih ekspertiza, stručnih skupova;
 - j) prihodi od tehnoloških centara, programa, projekata i slično;
 - k) prihodi od domaćih i međunarodnih programa i projekata;
 - l) prihodi od postupka priznavanja inostranih visokoškolskih kvalifikacija i ekvivalencije javnih isprava;
 - m) prihodi od autorskih prava, patenata i drugih prava intelektualne svojine;
 - n) prihodi od izdavačke djelatnosti;
 - o) prihodi od ostalih djelatnosti prodaje proizvoda i usluga koji su rezultat naučne i stručne djelatnosti (hostinga, domene, telekomunikacija i web usluga itd.);
 - p) prihodi od prodaje otpadnog materijala;
 - q) prihodi od izdavanja i korištenja imovine;
 - r) prihodi od realizacije pedagoškog obrazovanja i svih oblika permanentnog obrazovanja;
 - s) prihodi od učestvovanja studenata u troškovima studija;
 - t) prihodi od drugih izvora u skladu sa zakonom i registrovanom djelatnošću; te
 - u) prihodi od ostalih akademskih, naučnih i istraživačkih aktivnosti u skladu sa djelatnošću koju Fakultet obavlja.
- 2) Vlastiti prihodi iz stava (1) ovog člana koje ostvaruje Fakultet utvrđuje se na način propisan zakonom i drugim relevantnim propisima, te pojedinačnim aktima Fakulteta.

- 3) Ostali prihodi koji nisu obuhvaćeni odredbama Zakona i Uredbom, kao i drugim relevantnim propisima, predstavljaju vlastite prihode Fakulteta.
- 4) Primitak od prodaje imovine Fakulteta uplaćuje se na Jedinствeni račun Trezora Kantona Sarajevo, a u korist Univerziteta/Fakulteta.

DIO TREĆI - KORIŠTENJE VLASTITIH PRIHODA

Član 6.

(Način raspodjele prihoda stručnih projekata/usluga i naučno-istraživačkih projekata)

- (1) Ostvareni vlastiti prihodi nastali kao rezultat realizacije stručnih projekata/usluga i naučno istraživačkih projekata raspoređuju se na sljedeći način:
 - a) 100% prihoda ostvarenih kao rezultat realizacije stručnih projekata/usluga upotrebljava se za podmirenje direktnih troškova koji nastaju realizacijom projekta (nabavka opreme, dodatka na platu, angažman trećih lica, isplate putnih troškova i druge naknade direktno vezane za realizaciju projekta), te za održavanje i poboljšanje materijalno tehničke osnove za obavljanje registrovane djelatnosti Fakulteta;
 - b) 97% prihoda ostvarenih kao rezultat realizacije naučno-istraživačkih projekata upotrebljava se za podmirenje direktnih troškova koji nastaju realizacijom projekta (nabavka opreme, dodatka na platu, angažman trećih lica, isplate putnih troškova i druge naknade direktno vezane za realizaciju projekta), te za održavanje i poboljšanje materijalno tehničke osnove za obavljanje registrovane djelatnosti Fakulteta, a 3% prihoda izdvaja se za funkcionisanje zajedničkih službi Univerziteta.
- (2) Raspored sredstava iz tač. a) i b) stava (1) ovog člana obavlja se po prilivu u skladu sa instrukcijom koju donosi Upravni odbor Univerziteta.
- (3) Struktura raspodjele vlastitih prihoda ostvarenih kroz stručne projekte/usluge i naučno istraživačke projekte definisana ovim Pravilnikom odnosi se na projekte vrijednosti do 50.000 KM (bez PDV-a), dok će Odluku o strukturi raspodjele prihoda za projekte iznad navedenog iznosa, donijeti Dekan Fakulteta na prijedlog Kolegija.

Član 7.

(Status projekata)

Odluku o statusu projekata (stručni ili naučno-istraživački) donosi Komisija sastavljena od šefova Katedri Fakulteta u posebno kreiranom obrazcu.

Član 8.

(Struktura raspodjele pripadajućih vlastitih prihoda od stručnih projekata/usluga i naučno-istraživačkih projekata Fakulteta)

Na osnovu Pravilnika o raspodjeli vlastitih prihoda Univerziteta u Sarajevu (23.11.2022), Članova 7, 8, 9 i 10, utvrđuje se struktura raspodjele prihoda Fakulteta kako slijedi:

- 1) Prihodi ostvareni na osnovu realizacije stručnih projekata/usluga raspodjeljuju se kako slijedi:
 - a) 75% za podmirenje direktnih troškova koji nastaju realizacijom projekta (nabavka opreme, dodatka na platu, angažman trećih lica, isplate putnih troškova i druge naknade direktno vezane za realizaciju projekta)

- b) 25% za održavanje i poboljšanje materijalno tehničke osnove za obavljanje registrovane djelatnosti Fakulteta

Sredstva iz stava 1 pod b), raspoređuju se na sljedeći način:

- a) 50% za pokrivanje fiksnih i varijabilnih troškova Fakulteta (struja, voda, grijanje, internet, održavanje objekta, plaćanja obaveza koje proizilaze iz zakonskih odredbi kao što su osiguranje uposlenika, sistematski pregledi i slično, te drugih obaveza koje je neophodno financirati kako bi Fakultet nesmetano funkcionisao).
- b) 20% u Naučni fond Fakulteta i to za sljedeće namjene (redni broj predstavlja listu prioriteta za korištenje Naučnog fonda Fakulteta):
- 1) Izdavačka djelatnost fakulteta koja se odnosi na izdavanje periodičnih naučnih časopisa;
 - 2) Finansiranje troškova kolektivnog članstva uposlenika Fakulteta u domaćim i stranim strukovnim i naučnim udruženjima i institucijama;
 - 3) Unapređenje ostale izdavačke djelatnosti fakulteta (izdavanje knjiga, monografija, zbornika radova, biografija i slično);
 - 4) Finansiranje organizacija naučnih i stručnih skupova čiji je organizator ili suorganizator Fakultet (simpozijum, konferencije, okrugli stolovi, seminari, interkatedarski skupovi i slično);
 - 5) Finansiranje multidisciplinarnih naučno istraživačkih i stručnih projekata iz oblasti šumarstva i hortikulture;
 - 6) Dodjele nagrada najboljim studentima, raznih nagrada uposlenicima za naučna, istraživačka i publicistička dostignuća, javni rad i sl...
- c) 30% direktnim učesnicima u projektu (članovima projektnog tima) uposlenika Fakulteta kao namjenskih sredstava koja se mogu koristiti za:
- 1) Nabavku informatičke, naučno – istraživačke, kancelarijske i ostale opreme za unapređenje naučno – nastavnog rada direktnih izvršioaca;
 - 2) Finansiranje/sufinansiranje naučnog, stručnog i nastavnog usavršavanja, napredovanja i edukacije direktnih izvršioaca u okviru oblasti ili grupe predmeta na kojoj su izvršioци birani;
 - 3) Naučno – istraživačke aktivnosti i projekte od interesa za unapređenje naučno – nastavnog rada na oblasti ili grupi predmeta na kojima su izvršioци birani;
 - 4) Pokriće troškova učešća direktnih izvršioaca na naučno-istraživačkim i stručnim skupovima u zemlji i inostranstvu iz oblasti ili grupe predmeta na kojima su direktni izvršioци birani;
 - 5) Prezentacije rezultata naučno istraživačkog rada na naučnim ili stručnim skupovima (za prvog ili zamjenskog autora);
 - 6) Troškovi učešća u komisijama odbrana master radova i doktorskih disertacija u zemlji i inostranstvu;
 - 7) Finansiranje/sufinansiranje izdavačke djelatnosti Fakulteta (izdavane knjiga, zbornika radova, monografija, naučnih časopisa i sl.) od interesa za direktne učesnike u realizaciji projekta.
- 2) Prihodi ostvareni na osnovu realizacije naučnoistraživačkih projekata raspodjeljuju se kako slijedi:

- a) 87% za podmirenje direktnih troškova koji nastaju realizacijom projekta (nabavka opreme, dodatka na platu, angažman trećih lica, isplate putnih troškova i druge naknade direktno vezane za realizaciju projekta).
 - b) 10% za održavanje i poboljšanje materijalno tehničke osnove za obavljanje registrovane djelatnosti na Fakultetu.
 - c) 3% prihoda izdvajaju se za funkcionisanje zajedničkih službi Univerziteta (na osnovu Člana 6 i člana 7 (stav 3) Pravilnika Univerziteta).
 - d) Sredstva iz stava 2 pod b), raspoređuju se po procentualnoj strukturi i namjeni na isti način kako je to propisano i za sredstva iz stava 1. pod b) ovog člana.
- 3) Odluku o odobravanju trošenju sredstava iz Naučnog fonda donosi Dekan, na prijedlog Kolegija fakulteta.

Član 9.

(Način raspodjele ostalih vlastitih prihoda fakulteta)

Ostali vlastiti prihodi koji nemaju karakter stručnih projekata/usluga i naučno-istraživačkih projekata, koriste se za plaćanje obaveza, održavanje i poboljšanje materijalno tehničke osnove za obavljanje registrovane djelatnosti Fakulteta.

Član 10.

(Namjensko trošenje ostalih vlastitih prihoda)

- 1) Dekan Fakulteta odgovoran je za trošenje vlastitih prihoda u skladu s pozitivnim zakonskim propisima.
- 2) Vlastiti prihodi Fakulteta mogu se koristiti za pokriće izdataka nastalih obavljanjem poslova od kojih se ostvaruju vlastiti prihodi, a ostatak za tekuće i kapitalne izdatke, te razvoj i unapređenje nastavno-naučnog, umjetničkog i istraživačkog procesa, poboljšanje materijalne i tehničke opremljenosti Fakulteta, kao i za ostale troškove koji nisu pokriveni budžetskim prihodima, u skladu sa općim aktom Fakulteta koji na prijedlog rukovodioca donosi Vijeće Fakulteta.
- 3) Vlastitim prihodima mogu se pokrivati i troškovi Fakulteta, i to:
 - a) troškovi vezani za realizaciju različitih aktivnosti kojima se ostvaruju vlastiti prihodi, i to kroz isplate dodataka na plaću, različitih ugovora o privremeni i povremenim poslovima, ugovora o autorskom djelu, dodatka na plaću po osnovu radnog učinka, te drugim oblicima isplata a u skladu sa Jedinstvenim pravilnikom o plaćama i naknadama Univerziteta u Sarajevu i drugim općim aktima Univerziteta;
 - b) administrativno-pravni troškovi (sklapanje ugovora i ostali vidovi pravne podrške, finansijsko praćenje, provođenje tendera i slično),
 - c) troškovi isplate dodataka na plaću po osnovu radnog učinka u skladu sa Jedinstvenim pravilnikom o plaćama i naknadama Univerziteta u Sarajevu;
 - d) troškovi korištenja prostora;
 - e) troškovi održavanja;
 - f) svi ostali troškovi i aktivnosti neophodni za provođenje djelatnosti Fakulteta i ostvarivanje vlastitih prihoda;
 - g) troškovi isplate dodataka na platu i naknada zaposlenih koji se finansiraju iz vlastitih prihoda Fakulteta u skladu sa Kolektivnim ugovorom.

- 4) Vlastitim prihodima mogu se pokrivati i svi ostali troškovi koji nisu pokriveni iz budžetskih prihoda, te troškovi dodatnih aktivnosti vezanih za obavljanje različitih
- 5) poslova u ostvarivanje vlastitih prihoda iz člana 5. ovog Pravilnika, u skladu sa finansijskim planom/budžetom Fakulteta.

Član 11.

(Isplate)

- 1) Isplate zaposlenicima Fakulteta, kao i drugim licima, utvrđene članovima 6, 7, 8 i 9. ovog Pravilnika vrše se u skladu sa općim aktima Univerziteta i Fakulteta i pojedinačnim aktom/odlukom/rješenjem koje donosi Dekan Fakulteta.
- 2) Isplata naknada za rad u povremenim komisijama, kao i druge povremene isplate koje se vrše iz ostvarenih vlastitih prihoda Fakulteta, vršit će se isključivo ukoliko postoje raspoloživa vlastita sredstva Fakulteta, o čemu odluku donosi Dekan Fakulteta.

DIO ČETVRTI – ZARŠNE ODREDBE

Član 12.

(Prestanak važenja ranijeg Pravilnika)

Stupanjem na snagu ovog Pravilnika prestaju važiti opća akta Fakulteta, koja reguliraju ovu oblast.

Član 13.

(Stupanje na snagu)

Ovaj Pravilnik stupa na snagu 8 (osmog) dana od dana objavljivanja na web stranici Fakulteta.

DEKAN:



Prof. dr Ahmet Lojo